



www.BibleForChildren.org

Matiu 26



A tonomo
baka polukur
marein, song ra
guatain ro niein,
“Leke Liu ro Mat,” Iesu
ke la i Betani tar butur re
uangoul Lasarus
(Lasarus tege ke uatua
tapokisin Iesu). Doh Maria ke
keipime iuma tar uaiuai a
muhuantiehe tun e tuka koutula
i uantinanin, a i ranar bulauan, a
nituha keip toro dodoukulik ra kilain o nard.



Inggono ke ding tar
uaiuaia tar kekene Iesu,
kare tuntunaha ueltebeir
keip tar uluna taninin. Doha
amuhunar uaiuaia ke amuh pirik
uakapane iuma tar um.




Judas Iskariot ger tang sioko tasir siokor hangaul doha
tang torikir tamatang uakuakeluk, song ke hiliu tasisin.
Doh inggono ke lingua tasir patere
uleik, kare la tangana tang
lesu tasisin.



Doh tar binaka ka longorosinar patere uleik tatanon,
gisina ka uahantieh, kara uelhotengua pare, ra
turung heir me mani tatanon.
Te maene Judas e sirsir me
binaka re banotong heir tang
lesu tasisin.



Maeit o tamatang uakuakeluk ka guata sira manasa ke ualatoho pe lesu, kara kaleuatoro toro niein roon. Gitie ra ein pesin, lesu ke kale toro bereit, kare heir tar uatakai tang God, kare pis pakah, kare heir tang roono tasir tamatang uakuakeluk, kare kula pare, “Kale, karung ein, roono rone a tukunuguo.”



Kare kaleono tar kap bino, kare heir
tar vata kai tang God, kare heir tar
kap tasisin, kare kula pare,
“Inggoum uakapa mung kale,
karung inum to tar kapene. Ge
ginine pe ter deuatingiguo gere
uahail tane tar timuhur uelhote, doh
gera uatadingig tasir bureher tamata
mare kuse luara God tenas
niguata uasasin.”



Kare kula lesu pare, “Saimon! Saimon! Satan ke dangata tar uedanga totomua misiana geta koun uaguluhigir raes-uit, kara kale liuigir mongmong. Bo inggo puk ku lotu ueleheir totomua mara hik reng nitagorong mana pahe pung. Doh tar binaka ro uapalihia tenang niguat, karo tapokisime totoguo, ingga o me uatampopokoho toso bung tahim.”




Kare mene hahaua Pita pare, “Tamata Noman!
Inggo ku uiliauh tar la tagu totomua tar umang uih,
karu la mat.” Bo Iesu puk ke mene hahaua pare,
“Inggo gine ru hire totomua Pita, tar binaka halanar
paolo ta kororo daan, ingga o turung uolih
uatouono pare, o tele totoguo.”




Doh Iesu mesno tamatang uakuakeluk ka la tar butur ra kilain i Getsemani, kare kulono tasisina pare, “Mu tabilane geru la bakala inggoala, u la lotu.” Kare kula poluk pare, “Papa! Tamoug! Ahik me inete ro uaparakukuhuia. O kale liu tar kapang uelmahingene totoguo, bo ahik puk paho uakeluk tereg nimalaro, bo reng nimalarampe.”



Temaeit Judas ke la keip ualasira tar buturuono
tasir manaiar tamatang uiluiliatungung Roum, karo
gisiamer tamatang babata gera uoto tur
kaueke tar umang lotu ger dedeil, gisina
ka ualatueisir patere uleik, karo
Parisi. Doh gisina ra bita teil
tar bit, kara lam, kare nas
ineteng uiliatung.



Doha tang sioko tasisina ke sebel kout tar
talinganener pang mua tena tamatang kalekinaler
patere uleik. Bo lesu puk ke mene hahaua pare,
“Mu uakenua! Ke banoto manasar uiliatung.”
Kare tuhala lesu tar talinganeit,
kare uauia tatanon.




Kara kusenguasina tang Iesu, kara keipilain iuma tena umar pater ge nas uleikir pater. Doh Pita e uakuakeluk teil sikoro kompe tasisin, bo ahik puk pahe la uahuhut. Tar binaka ka me pokososin, o tamata ka uout toro hueng mahirum i uantinanina tar buturung uelpokos, kara siokor tabila uiloho tokah, doh Pita ke tabila tagu tasisin.



Doh na tang siokor ualualatuer uleiking tasir patere uakap e pepe pon. Doha ualualatueonene a tahinalik tar tamata geke tokout sebekin Pitar talingan. Inggono ke kula pare, “Inggono u namana sira ku banga toala totomua me lesu tar lebe oliv?” Kare uolih poluk Pita, “Ahik.” Doh ahik me manasana, kare kororor paol. Song ke tauetela Pita i kalahar, kare la kirkiring ualeikintiehe tunungua.




Song ka siokor tenturusin, kara
keipila tang Iesu tang Pailat. Temaeit
ke dangata Pailat tang Iesu pare,
“Ingga nas toia nomanar Ju.” Doh
Iesu ke mene hahaua
pare, “Te paare
nomanampeit ro kula pe
ingga.”




Pailat e marang uamaluana tang
lesu ra uatauetein, temaeit ke hire
polukiono tasir tamata pare, inggon
ahik mata guata uasa. Bo gisis puk
ra kula ualeik pukumpela
pare, “Tine uakusa
tatanono tar korose,
tine uakusa tatanono
tar korose!”



Temaeit Pailat ke heir tang Iesu tar limasisina mara uakusasina tatanon i rana tar korose. Temaeit gisisir tamatang uiliatung tera kaueke teilingua tatanon, Iesu ka uahuata katongoin tena korose, kare hiliu tar uan uleik, kare me pokoso tar butur ra kilain, “Na buturur Lakok.” Doh toro uelhireng Ju ra kilainir buturuon i Golgota.




Ter buturuono teka la uakusa kaia toiono
tar korose menia tar tang torik ponor
tamat, rasina ka uaturunguais nasira
korose i uara tektekene ter
nang lesu, a nang
lesu ke tur i
uantinanin.



A pisar ahik mata bal. Doho mahar gomono uleik ro
nanar umang lotu ger dedeil ko takih polaka pan torik.
Doh Iesu ke kaling ualeik pare, “Tamoug, inggo u heir
tar iabeig totomua.”

Gitie ke kula baka
peono pare,
kare mat.



Te maeit Josep ger peng Arimatea ke
ongol, kare lame tang Pailat,
kare me dangat e marang
kale tar tukununa Iesu.
Inggono Josep a tang
siokor tamata uleik
pono tar kaunsil,
doh ra ueltada
ponoin.

Doh inggono ter tang
sioko re uangangoul
pono tena Nitoia God.



I muduhia Josep ke la bulaua toro
gomono gaugauil, song ke la louh
uahia tar tukununon, kara
gomoin, kara la uamokoin
toro lebanga ka
kohoinane tar palau.

Song ke tula
uatagegelelaono
Josep toro palaua

uelik toro matana ro
lebang Doh Maria
Makdala me nu Maria
tinana Josep kura banga
pono tar butur ka
uamokoin Iesu.



Doh tar uagiamehenar marein ter
Mareining Pepe Uah, noso
mamahoholikir patere
mesir Parisi ka uiliodout,
kara la banga tang
Pailat, kara la kula
pare, . . .



. . . “Ir Tamata Uleik, inggeim mi namana dede tar binaka re tua harahar bohoboho giala, inggono ke kula baka pare, ‘Tar touonor marein, inggo u turung tua tapokis.’”



Song ka lasina tar keu, kara bulut tola
toro mahar palaua mara
hik me tamata re
banotong tula liu, song
ka kaueke uangoulur
soldia.



I muduhia tar Mareining Pepe Uah,
gitie re kih manasa pehainir
giameher marein tar
uakikilanganar marein tar
uik, Maria Makdala mer
tang giamehemper
Maria kura la banga
tar keu. Doha
tukung nun ke
kotpokoso


ualutara, doh na
anggelou God ke la
turuha i Heuene,
kare me tula
uatagegele liu toro
palau, kare tabila
uapono tang roon.



Doho soldia ka sokorontieh,
kara poroporontiehe tun, kara
punga uahiu i kot, ka baka
sirangua tasir tamatasisie
ka mate manas.



Bo a anggelou puk ke kula pare tar
toking kuah, “Ahik pah mura
sokor. Inggo u ate, raoum
mura sir teil tang Iesu
geka tinein tar korose.
Inggono taboinane.
Inggono ka uatua
manasain misiana
ke kula baka pe.





Mura lame, kaura me
banga tar butur ke
rikinon.”



Kaura hiliu uateuelengua kompe rasina tar
keu menia keip tar nisokor, kara niuaha
uleik, kaura ualualo tar la hire tosno
tamatang uakuakelukon. Doh Iesu
ke ueltupara tola tasrasina tar lel,
kare kula pare, "Aliuo tun!"
Kaura la uahuhutuha rasina,
kaura buaka tar kekenon,

kaura lotu
tatanon.





Dohi muduhia song ke kotpokoso Iesu tasir siokor hangaul, doha tang sioko tar binaka ra einisin, kare uelkukur tasisin, teene gisina ka tagorong boh, doh ahik pah ka tagorong mana tasir tamata geka banga uoum tatanono ke tua tapokis pe. Dohi muduhia ke menmene baka pe Iesu ger Tamata Noman tasisin, song ka kale kai taroion i Heuen, kare la tabilahlia tar pang makoso tang God.



God e malauelhirintiehe tun tasir
tamatane i kot, kare heir tar tuna ger
keketik bulout a tang siok. Mais
uakapa tun ra tagorong mana
tatanon, ahik pah ra turung
mat, ge a nitua pe e
moko dedengua
tasisin.



Roum 3:23

Ge o tamata uakapa pe ka siokor guata tar niguata uasa,
ahik me tang sioko ke kale tar uiniatoror nang God.

Roum 6:23

Ge a bulauana per niguata uasa tero mat, bo na inete uaia
God geke heirheir pukin ter niuangoulung tar mamang
binakalik tang Iesu Kristo nagi Tamata Nomaneig.

Hibru 9:27

God ke uamoko uamatoto tasir tamata uakap ra mata
uasiokon sioun puk, dohi muduhia e kedangono tasisin.



Epeses 2:8,9

Ge tena nimalauelhir pe God menia tar niueldolom, inggoum ka uelkarus keipisioum tar nitagorong man. Inggon ahik paha inete kung guata katongosioum. Ahik, inggono ke heirheir pukin God tamiuoum, ahik paha bulauanar kalekinale kung tuhagioum, temaene ahik me tamata re uasalain.

Roum 10:9,10

Geto hire luaka ingga tang Iesu ter Tamata Noman, karo tagorong mana tang God ke uatentur tapokis tur tatanono toro mat, ingga ra turung uelkarusia. Ge tar nitagorong mana per eigigeig tera turung uakodkodoho tonguasieig tang God, teeit ki uelhire luaka pe inggeig, temaeit ka uelkarususieig.



Jon 3:16,17

“God e malaelhirintiehe tun tasir tamatane i kot, kare heir tar tuna ger keketik bulout a tang siok. Mais uakapa tun ra tagorong mana tatanon, ahik pah ra turung mat, ge a nitua pe e moko dedengua tasisin. Teene God ahik pah ke heiriha tar tun tar me kedanga tasir tamatane i kot gera uangoul uasa. Bo God ke heiriha tar tun tar me uelkarus tasisin.”

1 Jon 5:11-13

O uelhire gero mana te pare, God ke heir tagigeig tar nitua gere moko dedengua, doha nituaon e moko tar Tunon. Mai gere uangoul tagu tar Tunon, inggono na nitua, doh mai ge ahik pahe uangoul keip tagu tar Tuna God, ahik mena nitua gere moko dedengua. Inggo ku bolome tanininanine tamiuoumene rung tagorong mana tar hanganar Tuna God, maeit rung ateoum pare, remi nituaoum e moko dedengua.



Matiu 26-28; Luk 22-24; Jon 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Nehan NT (nsn) © 2011, Wycliffe Bible Translators, Inc.
All rights reserved.

<https://live.bible.is/bible/NSNWBT/MAT/1>

©2026 Bible for Children, Inc.

www.M1914.org

www.bibleforchildren.org

